

龍溪縣志

龍溪縣志

序

均之為吏詢簿領則弛誦訓故則精此優於學而短於才者也徵前修則愚問案牘則智此習於事而荒於古者也夫用武一切以文守之道猶未盡矧全不留意乎余蒞漳四年徵屬邑文獻有缺有具數與溪大令吳樾菴商榷其故蓋誌乘之作上察疾苦下備蒐羅

龍溪縣志

序

一

譬農有書焉耘鋤艾播可按時布也工有譜焉精勤良窳可眎籍求也雖然難言之矣為邑之道簿書期會錢穀訟獄逋逃一人之身干考成者常一日備况濱海附郭版圖數坵則分并難詳戶口叢雜則客主易亂屢更兵燹而載籍無徵漸遠老成則聞見多舛加以後學拘墟異將聚訟衆心有主同或隨聲為

吏者官非南董事殊筆削欲以饜人情存古道思其躓也雖然亦願為之何如耳衷裁臆決義無所考事病於斷瞻徇卻願一無所就義傷於懦耽思旁訊依情切理事協於中君家陽湖鄉先進顧太初高忠憲講學遺風身被其澤自尤令移宰龍溪文章政事卓有風概其緝溪誌也不虛美不匿善不循故轍不

矜新裁澄心易氣熟討精思務求其當後已盖人之所難君之所易自萬歷舊誌及

本朝丁酉重脩踏駁未善者發凡起例不數月煥然改觀洵經術吏治兼長之君子歟夫強以教之悅以安之競絀亘用之術也宜之以時進之以古本末相引之端也漳為風節區而溪首七屬君子勁正小人質直談風烈者

莫不誦述徽國稱引安卿以今準古豈時既  
遠而澤漸湮歟翼而起之端在余輩有政事  
之責者年來思蒐討掌故合七屬摠晰其條  
貫綱維脩訓型之具卒乎未暇去歲澄令安  
陽王君成澄誌喜有其端今吳君又成斯誌  
于以勤宣德意釐正風俗溥

聖朝之雅化留海國之先型異日或得所藉手

龍溪縣志

序


三

乎會君謂余當有序廼脩列斯事之所難及  
余志之未逮者冠其首若夫筆墨馳騁文章  
瞻逸君宿學高科優為之不庸贅矣

乾隆壬午仲冬穀旦

賜進士出身知漳州府事前翰林院檢討金竹

蔣允焄序



龍溪縣志序

龍溪自蕭梁建邑稱名最古大江南北  
旋羣山北顧提封四接壤圻交錯地  
當閩海奧區夙稱難治我

朝

聖聖相承湛恩汪濊洋溢邊隅凡我蒸黎胥

龍溪縣志

序

一

安樂利陽湖吳君作宰是邦越今三  
載奉宣

德意以致民和政事之暇復留心於建置  
沿革之由山川民物之盛風土人情  
之故迺與邑之士大夫訂舊圖新謀  
脩邑志旣葺事錄稿於余兼請爲序

余繙閱數過不禁慨然有感也昔  
先大夫以康熙丁丑進士出宰是邑  
發奸摘伏撫字催科規畫經營拳拳  
匪懈余時當幼穉雖得偕伯仲隨侍  
官齋而凡所見閱罔窺萬一及解組  
歸田溪人士於逾年後裁踐集腋授


梓相貽曰愛棠集余既長檢而讀之  
於以知遺愛在民洵不能忘也昨歲  
恭膺

簡命陳臬於茲側聞邑中父老尙有能述  
先大夫治行者曩所脩舉如響水橋  
日照巖等諸遺跡迄今垂六十年猶

風易俗之意焉余故樂為述而序之  
俾後之宰斯邑者撫是編也著計燭  
照得免搯刀製錦之譽而生於是邦  
者企慕流風君子小人皆學道自淑  
以相與有成是余之所厚望也夫  
吳君之所厚望也夫

昔乾隆壬午歲仲冬之月

特授福建分巡海防汀漳龍等處地方道  
仍帶卓異俸滿即陞加四級紀錄七  
次甘泉楊景素撰





序

嘗聞域中有三大權而史官居一焉  
邑之志即邑之史也志願不重哉龍  
溪自大同置邑始列職方迄朱子典  
牧是邦文教漸摩名儒輩出俗烝烝  
向上數百年而未有改矣余於癸酉

龍溪縣志

序

一

歲奉

命觀察汀漳龍三州駐節於斯即嘗按其  
圖籍質以所見所聞有不醇不備之  
憾思欲搜羅散失勒成一書而有志  
未逮也後以量移臺灣越三年秩滿  
天子以余熟悉海疆復

命涖斯土適邑令陽湖吳君有脩志之役  
余喜不自勝蓋溪故有志殘缺已久  
時事遞更非討論而纂輯之不可茲  
變舊例之十二卷分為二十四卷釐  
其舛錯增其未備凡有關於天時人  
事有裨於國計民生者無不眉列而

於忠孝節義之流與宦遊之跡流寓  
之賢及仙釋藝術之末尤犁然畢具  
此非但一方之紀乘抑亦謀國者之  
所必稽典金匱石室者之所必采也  
吳君有史才評論古今人物是非成  
敗瞭然如在目前縣志之脩寔有移

耳目而稱道之逮觀新志當日之實  
心實政得與魏線諸公共徵不朽追  
維疇昔展卷流連固感慨係之矣至  
於邑志之脩溯自大同而後千有餘  
載紀乘邈焉泊江君梅谿據前代府  
志中分紀二冊推考成書凡十二卷

邑有專志於是乎始吳君更加脩輯  
考核蒐羅補遺正舛天時地利典祀  
兵戒以逮人物寓賢文辭故實上下  
古今釐然大備卷倍於前書不繁重  
良史才也舊志不另編名宦并載列  
女於方伎仙釋之後昔班孟堅爲循

吏列女立傳凡以風示來茲敦崇教  
化耳吳君彰微闡幽表揚閭里又從  
故老之所傳聞婦孺之所景慕皆置  
專門以相興起見誠偉哉余自涖閩  
以來屬邑之因草興除亦嘗廣詢周  
諮具知大略惟是夙夜冰兢務期平

允冀以上報

聖恩下承 先訓曩時之教忠教孝如在  
目前語曰前事之不忘後事之師也  
吳君勉旃余益知所率循已是爲序

峕

乾隆二十七年壬午冬月

賜進士出身通議大夫署理福建布政使  
事按察使司按察使加三級新建曹

繩柱撰



龍溪縣志

序

五

重脩志書叙

國家守土之官曰知縣者知一縣之事也顧循其名則易而核其實則難蓋一縣之山川土田戶口錢穀祭祀兵戎人心風俗之大與夫一名一物之纖且悉無一非其所當知而知之顧有難焉者或以一官爲傳舍而不求知或疲神埋照于簿書期會之中而有所不暇知或地當衝要日奔馳于道路風塵自等于

龍溪縣志

序

一

鈴下馬走以爲容悅而視此數者以爲不必知又或以吹毛析髮爲明務察察于閭簷七箸之細婦姑勃諍之微而於其大者反茫然而不能知若是者皆謂之不知不知則尸位而已矣曠職而已矣夫于山海而知其遠近更程至問其阨塞形勢之何者宜屯何者宜守而不知是記里之鼓也于農田水利而知其則例尋丈至問其沃礲之異其植防濬之

殊其施而不知是里魁之簿也且于春秋祭祀而知禮之儀數於度支散給而知兵之伍符至其精意所存爲承祀詰戎之大綱紀者而不知是巫祝之司尺籍之記也且夫事而不綜古今之沿革原委而考其所以廢興成敗之由則其知之猶有未盡亦無以善其厝注而底于績之成執古以泥今則刻舟而求劍也師今而戾古則膠柱而鼓瑟也余涖邑

三載于茲自揣懵然一無所知適邑之縉紳先生以纂脩縣乘請不禁忻然曰是卽余所以求知之方也三載以來夙夜殫心求一事之知而不得而或者于編摩之下庶幾乎知之乃延諸紳士分隅廂都里廣爲採輯彙送志局州次部居余于案牘勾稽之暇一燈熒熒手自釐訂求知乎關寨灣鎮之所由險固民數賦額之所由登耗人心風俗之所由瀇

樸盛衰

國家大經大法之所以盡善而維于不敝間有一得則稍叅末論蓋卽以所知者垂之志也其採之史籍及學士大夫故老之所傳聞而編之成帙蓋卽以所志者益其知也旣蕝事衆咸慶一方之堂故于是乎成而不知余之惴惴于習焉而不知者且自茲而方始也唐李吉甫作元和郡國志謂執此可以善治余

龍溪縣志

序

三

不敢謂脩今日之志卽可以治今日之縣或藉此而稍有所知焉其可矣爰書于簡端以自策云 岢

乾隆歲次壬午冬月龍溪縣令陽湖吳宜燮  
敬書





脩志凡例

縣志脩於康熙五十六年其志叙歷數宋明諸郡志而云龍溪附府以見是邑前此無專志也相傳線公應綵爲令時曾纂脩未竣事而去叙不齒及是其稿本亦久不傳舊志旣無所祖述又二閱月而告蕝事其疎漏紕繆宜矣茲編溯源正史旁資羣籍以及碑版之所篆刻父老之所傳聞廣爲搜羅詳爲考核增舊志十之四而正其舛訛者十之二復稍加刪潤庶幾不蕪不遺

一范淳作唐鑑多所論斷程明道善之志亦史例也但

龍溪縣志

卷之

凡例

一

才非三長不敢妄抒己臆閒附按語不過以辨疑正訛卽或有所指陳亦期折衷以歸於當非敢故爲辯論攻訐前人

一建置沿革星野舊志統附疆域部夫分星分土猶可聯類並書若建置則一邑之所肇開制最先而典尤鉅不可紊也茲爲首臚於卷端而歷代之隸屬裁折加詳焉星野亦另爲一門詳加考訂與前志微有異同

一疆域初析於唐屢析於元明四隅八至非復啓疆之舊其中都圖之分併更易街市之寥落繁華次第纂

編期於有條有理

一山有主從脉絡川有支派源流如人身之有骨血部位也舊志東竄西抹都無倫次茲就一邑之形勢而次第聯絡之要使閱者如身歷其中而指顧可得閒有勝概名區亦詳爲標識焉若以雲烟風月強屬之某水某山如俗所云十景八景者正恐溷浣失真反沒流峙本色不載可也

一溝封旣奠營建乃興以固圉則有城以出治則有署倉以儲軍民之食而驛舖以供使客郵遞之往來彙而編之而在官之規制乃備

龍溪縣志

卷之

凡例

二

一學校爲尊教右文重典一應儀禮及兩廡從祀諸賢理宜備書書院社學亦樂育英才地故以類附焉

一坊表以旌善頌之寵命樹厥風聲事若甚微而典則甚鉅義宜特書不得附見別類

一賦役爲度支正供之所從出戶口庸調之所由稽宋元勝國因事橫征論者有積重難返之疑矣

興朝聖聖相承

恩膏疊沛除徭額減徵輸累代秕政一切剷除民被澤至深且渥不詳爲記載何以導揚 盛美而昭示來茲茲爲總序一爲考三而丁數賦額次第而覩縷之

鹽政亦賦之一端也故附列於後

一水利爲民食所關其疏鑿建築之年代姓氏廣袤丈畝及夫毗阡接壤官爲均分其利者皆詳書之以表惠以防侵以息爭止訟也若津梁亦利民一事例得類及

一舊志不立郵政一門而以養濟院義塚併入規制非體矣我

國家厚澤深仁雖天末亦屢霑被珥筆而恭紀之亦守土微臣職也

一壇廟之設典禮所垂間有一二特祠亦本名宦鄉賢

龍溪縣志

卷之

凡例

三

祠之義而別爲俎豆之者非淫黷之祀之所得比也他若叢祠古廟名雖不經而捍災禦患時著神庥編入古蹟使靈貺不沒焉可耳

一邑之軍制倣於唐備於宋而大壞於明我

朝易衛軍爲召募而制遂盡善爲次第編比之又詳其成敗得失之故著於篇其郡城武職官兼轄各縣舊志不載道府大員而載衛所鎮守諸官體裁不一茲留以俟郡乘之排纂非一邑之志所得私

一風俗與時推移執古泥今未免刻舟求劍茲就耳目所聽聞叅以舊志記載滙爲一篇以備輶軒之採

一舊志於古蹟一類強分部次勢必同一勝地而樓臺池館割裂紛紜夫古人紀事亦有參錯成文者正不必多爲畛域也其中水石巖洞改歸山川書院改歸學校湖堰改歸水利稍爲釐訂庶幾有條不紊一職官記縣令以下考舊志及各省附郭諸縣志皆同若取統轄大員而弁冕之私且褻矣非縣志體也其名宦依舊志間採輿論而增益之不敢濫及至武職可紀述者亦依舊志作武臣傳另入軍制一舊志於選舉最爲闕畧蓋邑乏專乘憑郡志爲稿本而郡志復歷百餘年乃脩不能純備兼之兵燹殘破

龍溪縣志

卷之

凡例

四

之餘故籍灰燼或佚其仕宦或並佚其姓氏茲廣爲搜羅其見之故譜牒墓志及故老所傳聞確有可徵者亦爲補輯若明副榜不准貢武舉會試不中式者仍赴鄉闈故舊志不載非畧也茲篇仍舊不敢妄增一人物舊志分類太繁茲取而約之曰名臣首綸扉及侍從清要蔚爲國楨也曰宦績紀循卓也曰理學曰儒林尊正教也曰忠烈曰孝友曰敦行崇本也曰文苑立言亦不朽盛事也曰隱逸清風高節不可沒也若藝術不可言人物以類附之而已邑僻處南荒非輪蹄輻輳地故寓賢亦寥寥焉其各傳依舊志而增

益之採之史籍詢之物論惟期傳信豈敢逞私又人見存者不立傳亦史例也

一邑俗廉勁婦女亦剛正自持夫死率以節著中得旌者十之一耳其視爲固然不求表異與限於力而不能上達者比比也茲取已旌節孝與未旌而苦節可紀以及烈婦貞女正氣凜然者爲傳以表之未立傳者附姓名於後若名媛已載舊志仍存之餘則寧闕毋濫

一二氏之教閒有傳人鹿女踏花壺公賣藥事則甚詭而語復不經舊志附載人物非其倫矣茲另爲編比

龍溪縣志

卷之

凡例

五

亦外之之意也

一物產詳土之所宜以前民用也而機絲所出絨緞諸品其華已甚爲政者觀乎此亦可以知其好尙而爲之防矣

一史有五行志此各志機祥之權輿也寇亂特變異之一端故附及之

一志例有雜記一類蓋前人遺言軼事無所附麗而又可資考証者亦博雅之君子所不遺也茲於舊志微有增刪要期歸於雅馴庶不等齊諧諾臯之徒供塵柄已也

一藝文首載書目倣班固志例也文必有關於邑之風  
土政治其原委井然可備稽考者乃登之蓋不惟其  
文惟其事也若詩賦雖切於山川景物非佳篇及人  
已故者不收  
一是篇刪繁舉要類聚部居雖腹儉者難爲華質固者  
難爲通然紀事必職其詳考古惟期乎核庶幾信而  
可徵毋使華而不實

脩志姓氏

總裁

分巡海防汀漳龍等處地方道楊景素 甘泉

鑒定

漳州府知府蔣允焄 貴陽

重脩

龍溪縣知縣吳宜燮 陽湖

叅訂

龍溪縣教諭薛捷官 上杭

龍溪縣訓導丁宣 南平

龍溪縣志

卷首

姓氏

一

總輯

甲戌進士黃惠 永福

生員李疇 秀水

分輯

丁未進士工部主事王材 邑人

甲戌進士鄭蒲 邑人

戊辰進士崇義縣知縣黃寬 邑人

甲戌進士劉希周 長泰

壬子舉人睢寧縣知縣趙鯤飛 邑人

甲子舉人蔡國香 邑人

戊午舉人邱起佐海澄

癸酉舉人郭于青邑人

甲子舉人郭澤邑人

戊午舉人楊邦憲邑人

己卯舉人陳存義邑人

己卯舉人劉鳳山邑人

己卯舉人林振梅邑人

庚辰副榜唐耀德邑人

貢生黃秉義邑人

校閱

龍溪縣志

卷首

姓氏

二

己卯舉人商必達漳浦

己卯舉人吳翀南安



龍溪縣志目錄

卷之一

建置沿革

星野

疆域

鄉都里  
街市附圖

卷之二

山川

形勝

卷之三

規制

城池  
倉儲

公署  
驛舖

卷之四

龍溪縣志

卷之一

目錄

一

學校

書院  
社學

坊表

卷之五

賦役

鹽課

卷之六

水利

津梁  
附

卷之七

壇廟

卷之八

軍制

卷之九

郵政

卷之十

風俗

卷之十一

古蹟

卷之十二

職官

名宦

卷之十三

龍溪縣志

卷之

目錄

一一

選舉

卷之十四

選舉

卷之十五

人物

卷之十六

人物

卷之十七

人物

卷之十八

列女

卷之十九

仙釋

物產

卷之二十

祥異

紀兵附

卷之二十一

雜記

卷之二十二

藝文

龍溪縣志

卷之

目錄

三

卷之二十三

藝文

卷之二十四

藝文

新增目錄

卷之上


卷之下

俱編刻未竟

龍溪縣志

輿圖

府城池



輿圖

龍溪縣志

輿圖

一一




龍溪縣



龍溪縣志

輿圖



縣署



龍溪縣志

輿圖

四



龍溪縣志

輿圖

五

